

Zeitschrift: Nebelspalter : das Humor- und Satire-Magazin
Band: 68 (1942)
Heft: 21

Werbung

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 13.03.2026

ETH-Bibliothek Zürich, E-Periodica, <https://www.e-periodica.ch>

KÄLTE DURCH WÄRME
im motorlosen, völlig lautlosen



wahlweiser Betrieb, elektrisch oder mit Kochgas

Ausstellung und Verkauf
Electro Lux AG., Zürich, Bleicherweg 18
(Bleicherhof) Tel. 5 27 56

Filialen in: Basel, Bern, Luzern, St. Gallen, Lausanne, Genève, Lugano

Vorzügliches bietet aus Küche und Keller

CAFE Schlauch ZÜRICH 1

Münstergasse 20, Nähe Großmünster
Menu: à Fr. 1.80, 2.20, 3.50
Billardsaal (Life-Pool), Kegelbahnen
Gemütl. Unterhaltung. Sportberichte

SCLEROSAN *Cachets*
gegen Arterienverkalkung

erhöhten Blutdruck, Herzklopfen, Wallungen, Schwindelanfälle, Ohrensausen. Sclerosan bezweckt, den verhärteten Arterien die notwendige Elastizität wiederzugeben und den Blutdruck wieder allmählich auf die normale Grenze herabzusetzen.
In allen Apotheken: Cachets Fr. 2.60 und 6.80.
Laboratorium **UROZERO**, Lugano.

Das Lesen der Inserate ist anregend!

DIE SEITE

Mis Chrüz

E jedi Frau het ires Chrüz, das isch efangs en alte. Di eint het en Maa wo suufft, die ander het en gfehlte Bueb; disi het Chrampfadere und disäb en z'höche Bluefdruck. Alles das han ich gottlob nid, denn mis Chrüz het zwei Bei und heißt Frau Bünzli, wo im Partär wont.

Nid öppe, das d'Frau Bünzli es böses Ripp wär, ganz im Gegeteil: Sie isch d'Fründlichkeit sälber. Sie macht vor lufter Wärm i der Schtim die reinscht Rutschbahn mit em Ton duruuf und duraab. Und es Gesicht macht sie, wo en famose Reklamehelge für Kunschthonig gäb. Und doch isch die Frau Bünzli es Chrüz für di ganz Nachberschaft, und erscht no schüüli e urings.

Si isch halt di einzig Dame im ganze Quartier und wirft allne andere Fraue dermit vor, si seiged blos Wiiber. Nid, das si je eso öppis seiti, biwahre, aber mer merked's halt gliich. Der Frau Bünzli ires Wäse laht eus anderi eso nüütig erschiene, das mer is fascht vor eus sälber schäme müend. Ich glaube, me seit dem Minderwertigkeitskomplex.

Scho am Reden a merkt me der Unterschiid zwüsched «distängiert» und «ordinäär». D'Frau Bünzli redt au Züritütsch, aber nid das gewöndlich wo miir. Si wiicht allne «unfeine» Usdrück us bim Rede, wie n es Angorabüseli de Dräckgünten uf der Schtraaf. Mir woned übrigs z'Oerlike, nu d'Frau Bünzli wont in Oerlikoon. Euses Hus hät e breiti Schtäge, wo me cha drüberabegheie, wens gschlipfrig isch, bis Bünzlis häts e Trappe, wo me cha falle. Miir händ Chöhli und Chabis oder Wiirz zum Zmittag, wens bis Bünzlis Kohl oder Wirsing git. Und wens Bünzlis Schpinaat choched, so müend miir mit Binätsch z'fride sii. Si gsehd, zwüsched eusem Züritütsch und der Frau Bünzli irem isch en Unterschiid wie zwüsched eme Promenaadekööder und eme irische Setter. Es peeländet eim mängsmal ganz.

Es chunnt mer voor, wie wenn ich gfluechet het, wenn ich zu der Frau Bünzli säge: «Ich han daa e Schoof, vole Abzüg für s Bergers Geiß» und sie denn süef antwortet: «Jawas, e ganz Schürze voll? Watted. Sie mer mini Rüschtabfäll nid au grad mitnäh für d'Ziäge?»

Au der Frau Bünzli iri Chind sind nid gliich wie euseri Goofe. Euse Karli holt der Bolle für zum Tschutte, aber 's Bünzlis Leonhardli holt sin Ball zum Fueßballschpüle. Euses Klärli het vom Grösi e Trucke vole Chrööli übercho zum Geburtsdag, aber d'Leonie Bünzli e Schachtle Konfekt vo der Großmammas.

Me chönnt niidig werde, wenn nid mim Maa sin Loh größer wär als der Bünzleri irem Gemahl sis Saläär. Und denn chunnt min Fritz vo sim Hock au no gliiner hei weder der Waldemar Bünzli vo sine Sitzunge. 's Bergers Bello nimmt bi eus es Hammebei genau so gern, wie bis Bünzlis en Schinkeknoche, und sit miir kein gschwungene Nidel meh händ, isch bis Bünzlis der Schlagrahm au usgange. Zum Glück isch min Maa halt au ordinäär. Er seit mer ali Schaltjahr emal «Schatz!» und denn han ich e Mordsfreud. Der Bünzli seit siner Frau vor allne Lüüte im Tag viermal «Liäbling» und diheim defür «Chleechue» und «Totsch». D'Wöscheri het mer das verzelt, und ich verzichte drum gern uf der «Liäbling». Und wenn en Bättler durs Quartier laufft, so chan er ganz sicher mit mim Batze topplet sovil afange wie mit de fünf Santim vo der Frau Bünzli.

Es isch nu guet, das mir ordinääre Wiiber bald wieder under eus si werded. 's Bünzlis ziehd nämli im Sommer us, «um ihri Chinde in es dischtängierters Miliöö z'bringe» seit si, aber der Huusmeischer behauptet, er heb das Pack usegheit, wil's nie pünklti zeiset hebed. Eus isch gliich, weles das rächt het; eus isch d'Hauptsach, das mir niemerem meh di guete Sitte verderbed, wenn mer reded, wie n eus de Schnabel gwachse n isch!

Frau AbisZ

Adrefänderung

Mein Freund Richard ist etwas besorgt wegen seiner Frau, Emmeli. Das ist so:

Richard und Emmeli bewohnen eine möblierte Einzimmerwohnung mit Küche und Bad, und das langt ja auch, wenn man glücklich und jung und nagelneu — verheiratet ist. Im März beschlossen sie, zu zügeln, und Emmeli diskutierte mit dem Milchmann, wie man das dann anstellen wolle, daß er sie in der neuen Wohnung wieder beliefern könne, die neue Adresse

Sie helfen sich selber,

wenn Sie jede Konservenbüchse nach dem Öffnen sofort reinigen, trocknen und zurückgeben. Dann können Sie auch im nächsten Jahr genügend Konserven kaufen. Jedes Lebensmittelgeschäft vergütet für 1/1 Büchsen 5 Rappen, für 1/2 Büchsen (nur hohe) 3 Rappen.

Konservenfabrik **Leuzburg**